



NEGERI PERAK

# Warta Kerajaan

DITERBITKAN DENGAN KUASA

*GOVERNMENT OF PERAK GAZETTE*

*PUBLISHED BY AUTHORITY*

---

Jil. 66  
Bil. 21

10hb Oktober 2013

TAMBAHAN No. 25  
PERUNDANGAN

---

Pk. P.U. 49.

AKTA JALAN, PARIT DAN BANGUNAN 1974

(Akta 133)

UNDANG-UNDANG KECIL (MENGKOMPAUN KESALAHAN-KESALAHAN)  
(PIHAK BERKUASA TEMPATAN NEGERI PERAK) JALAN, PARIT DAN BANGUNAN  
2013

PADA menjalankan kuasa yang diberikan oleh seksyen 133 Akta Jalan, Parit dan Bangunan 1974 [Akta 133], Pihak Berkuasa Negeri dengan ini membuat undang-undang kecil yang berikut:

**Nama, pemakaian dan mula berkuat kuasa**

1. (1) Undang-undang kecil ini bolehlah dinamakan **Undang-Undang Kecil (Mengkompaun Kesalahan-Kesalahan) (Pihak Berkuasa Tempatan Negeri Perak) Jalan Parit dan Bangunan 2013** dan hendaklah terpakai bagi semua kawasan Pihak Berkuasa Tempatan dalam Negeri Perak dan hendaklah mula berkuat kuasa pada tarikh ianya disiarkan dalam *Warta*.

**Tafsiran**

2. Dalam undang-undang kecil ini, melainkan jika konteksnya menghendaki makna yang lain—

“Akta” ertinya Akta Jalan, Parit dan Bangunan 1974 [Akta 133];

“Datuk Bandar” ertinya orang yang pada masa itu menjalankan kewajipan-kewajipan Datuk Bandar suatu Majlis Bandaraya dengan sah disisi undang-undang;

“Pihak Berkuasa Tempatan” ertinya mana-mana Majlis Bandaraya, Majlis Perbandaran atau Majlis Daerah yang berkenaan; dan

“Yang Dipertua” ertinya orang yang pada masa itu menjalankan kewajipan-kewajipan Yang Dipertua suatu Majlis Perbandaran atau Majlis Daerah dengan sah disisi undang-undang.

### **Pengkompaunan Kesalahan**

3. (1) Kesalahan-kesalahan yang dinyatakan di dalam ruang A Jadual Pertama boleh dikompaun dengan jumlah bayaran seperti yang dinyatakan dalam ruang B Jadual Pertama.

(2) Datuk Bandar, Yang Dipertua, Setiausaha, Pagawai Undang-Undang atau Penolong Pegawai Undang-Undang berhak mengkompaun mana-mana kesalahan di bawah perenggan (1) dengan membuat suatu tawaran bertulis kepada orang yang disyaki telah melakukan kesalahan itu untuk mengkompaun kesalahan itu apabila dibayar kepada Majlis sejumlah wang bagi kesalahan itu dalam tempoh yang dinyatakan dalam tawaran itu.

(3) Sesuatu tawaran di bawah perenggan (2) boleh dibuat pada bila-bila masa selepas kesalahan itu dilakukan tetapi sebelum apa-apa pendakwaan baginya dimulakan, dan jika jumlah yang dinyatakan dalam tawaran itu tidak dibayar dalam tempoh yang dinyatakan dalam tawaran itu atau apa-apa tempoh lanjutan sebagaimana yang dibenarkan oleh Datuk Bandar, Yang Dipertua, Setiausaha, Pegawai Undang-Undang atau Penolong Pegawai Undang-Undang Pihak Berkuasa Tempatan yang berkenaan, pendakwaan terhadap kesalahan itu boleh dimulakan pada bila-bila masa selepas itu terhadap orang yang kepadanya tawaran itu telah dibuat.

(4) Jika suatu kesalahan telah dikompaun di bawah perenggan (2), tiada pendakwaan boleh dimulakan selepas itu berkenaan dengan kesalahan itu terhadap orang yang disita berkaitan dengan kesalahan itu hendaklah dilepaskan, tertakluk kepada apa-apa terma dan syarat yang ditetapkan.

### **Wang yang dikehendaki dipungut dan cara pembayaran**

4. (1) Jumlah wang yang boleh dikutip oleh Pihak Berkuasa Tempatan yang berkenaan bagi mengkompaun suatu kesalahan yang dilakukan di bawah mana-mana undang-undang kecil yang dibuat di bawah Akta hendaklah tidak boleh melebihi lima puluh peratus daripada kadar maksimum denda yang boleh dikenakan.

(2) Segala wang pembayaran kompaun hendaklah dibayar dengan wang tunai atau kiriman wang, wang pos, pesanan juruwang, pesanan bank, atau bank draft yang dibuat untuk dibayar kepada Datuk Bandar atau Yang Dipertua Pihak Berkuasa Tempatan yang berkenaan dan dipalang “Akaun Penerima Sahaja”. Pembayaran juga boleh dibuat malalui apa-apa cara lain seperti yang ditetapkan oleh pihak Berkuasa Tempatan yang berkenaan dari semasa ke semasa.

(3) Pembayaran boleh diserahkan sendiri di Pejabat Pihak Berkuasa Tempatan yang berkenaan atau mana-mana cawangan yang ditetapkan dan sekiranya bayaran dibuat melalui pos, ianya hendaklah dialamatkan kepada Datuk Bandar atau Yang Dipertua Pihak Berkuasa Tempatan berkenaan.

(4) Tiap-tiap bayaran yang diterima hendaklah dimasukkan sebagai wang hasil Pihak Berkuasa Tempatan yang berkenaan dan suatu resit rasmi hendaklah dikeluarkan kepada orang yang telah diberikan tawaran mengkompaun itu.

(5) Tawaran untuk mengkompaun sebarang kesalahan tersebut dan penerimaan tawaran hendaklah dibuat dalam Borang Jadual Kedua.

#### **Pembatalan dan Peruntukan Peralihan**

5. (1) Undang-Undang Kecil (Mengkompaun Kesalahan-Kesalahan) (Pihak Berkuasa Tempatan Negeri Perak) Jalan, Parit dan Bangunan 1992 [Pk.P.U. 11/1992] dibatalkan.

(2) Apa-apa notis, perintah kompaun, lesen atau dokumen yang dibuat atau dikeluarkan di bawah Undang-Undang Kecil yang dibatalkan hendaklah disifatkan telah dibuat atau dikeluarkan di bawah Undang-Undang Kecil ini dan hendaklah terus berkuat kuasa sehingga dibatalkan.

#### **JADUAL PERTAMA**

#### **UNDANG-UNDANG KECIL (MENGKOMPAUN KESALAHAN-KESALAHAN) (PIHAK BERKUASA TEMPATAN NEGERI PERAK) JALAN, PARIT DAN BANGUNAN 2013**

[undang-undang kecil 3]

A Kesalahan-Kesalahan	B Had Jumlah Bayaran Kompaun
Seksyen-seksyen—72(4), 84(2) dan 124(3) Akta	Tidak melebihi RM125.00
Seksyen-seksyen—4(3), 29, 30, 31, 38, 39(1), 46, 47(1), 56, 57, 76(2), 78(2), 79(4), 87(5) dan 104(3) Akta.	Tidak melebihi RM250.00
Seksyen-seksyen—9(9), 34, 39(2), 40, 41, 42, 43, 47(2), 55, 58, 59, 70(11), 70(12), 72(3), 80, 100 dan apa-apa kesalahan lain di bawah Akta ini yang baginya tiada penalti diperuntukkan dengan nyata.	Tidak melebihi RM500.00
Seksyen-seksyen—9(7), 52, 82(3) dan 85(3) Akta ini atau kesalahan-kesalahan di bawah mana-mana Undang-Undang Kecil yang dibuat di bawahnya	Tidak melebihi RM1,000.00

A	B
Seksyen-seksyen—16(3) dan 17(4) Akta	Tidak melebihi RM2,500.00
Seksyen-seksyen—70(13), 73(1), 73(2) dan 121 Akta	Tidak melebihi RM5,000.00
Seksyen—70A(9) Akta	Tidak melebihi RM25,000.00
Seksyen-seksyen—70B(15) dan 85A (13) Akta	Tidak melebihi RM50,000.00
Seksyen—71 Akta	Tidak melebihi RM250,000.00

## JADUAL KEDUA

**UNDANG-UNDANG KECIL (MENGKOMPAUN KESALAHAN-KESALAHAN)**  
**(PIHAK BERKUASA TEMPATAN NEGERI PERAK)**  
**JALAN, PARIT DAN BANGUNAN 2013**

## BORANG

[undang-undang kecil 4]

## TAWARAN MENGKOMPAUN SUATU KESALAHAN

Kepada

.....  
 .....  
 .....  
 .....

Tuan/Puan,

Rujukan .....  
 Menurut maklumat / aduan yang diterima, saya berpendapat bahawa tuan/puan telah melakukan kesalahan yang berikut:

Peruntukan undang-undang berkaitan .....

Tarikh : ..... Waktu : .....

Tempat : .....

Butir-butir kesalahan : .....

(2) Tuan/puan dengan ini dimaklumkan bahawa menurut kuasa yang diberikan kepada saya oleh Undang-Undang kecil (Mengkompaun Kesalahan-Kesalahan) (Pihak Berkuasa Tempatan Negeri Perak) Jalan, Parit dan Bangunan 2013, saya bersedia dengan ini menawarkan untuk mengkompaun kesalahan itu dengan bayaran wang sebanyak RM.....

Jika tawaran ini diterima, pembayaran mestilah dibuat dengan wang tunai atau kiriman wang, wang pos, pesanan juruwang, pesanan bank, atau bank draft yang dibuat untuk dibayar kepada Datuk Bandar / Yang Dipertua Majlis ..... dan dipalang “Akaun Penerima Sahaja” atau boleh diserahkan sendiri ke alamat yang berikut: .....

Pembayaran melalui pos mestilah dialamatkan kepada Datuk Bandar / Dipertua Majlis ..... suatu resit rasmi akan dikeluarkan apabila kompaun dibayar. Pembayaran juga boleh dibuat melalui apa-apa cara lain yang ditetapkan oleh Majlis ..... dari semasa ke semasa.

(3) Tawaran ini akan tamat selepas empat belas (14) hari dari tarikh ianya dikeluarkan. Jika pembayaran penuh jumlah wang yang dinyatakan di atas diterima pada atau sebelum penutupan urusan pada tarikh tersebut, tiada apa-apa langkah perbicaraan selanjutnya akan diambil terhadap tuan / puan berhubung dengan kesalahan itu. Jika tidak, pendakwaan akan dijalankan tanpa notis selanjutnya.

Bertarikh: .....

\*

*\*(untuk ditandatangani oleh Pegawai Yang Diberi Kuasa mengkompaun dan nama serta nama jawatannya mestilah dinyatakan di bawah tandatangan)*

#### MENERIMA TAWARAN MENGKOMPAUN

Kepada:

Datuk Bandar/Yang Dipertua

Saya merujuk kepada tawaran mengkompaun suatu kesalahan di bawah rujukan ..... dan bertarikh ..... Saya terima tawaran itu dansertakan bersama-sama ini wang tunai / kiriman wang pos / pesanan juruwang / pesanan bank / bank draft bank no. .... sebanyak RM ..... (Ringgit Malaysia ..... ) bagi menjelaskan bayaran kompaun ini.

Tandatangan : .....

Nama (Huruf Besar) : .....

No. K/P : .....

Alamat : .....

Tarikh : .....

Dibuat pada 27 Ogos 2013  
 [PSUK.Pk. (KT) (R) 600 Jld. 2;  
 PU. Pk. 81/70-54 Jld. 4]

RUMAIZI BIN BAHARIN @ MD. DAUD

*Setiausaha  
 Majlis Mesyuarat Kerajaan  
 Perak Darul Ridzuan*